

左雲志稿初序

史繼獲麟為古今之朗鑑志承司馬以薄海之南車是志與史名異而實同也星野疆域遠近分焉吏治民風厚薄悉焉田賦軍需多寡別焉名宦鄉賢激勸寓焉稽往徵來括軼攷異志義攸關綦重矣哉今

聖天子撫有輿圖幅員之廣東盡扶桑南逾嶺表西屆流沙北窮極塞龍沙萬里遥覲

天威冕水三城疊沾

聖化縣治維新旋使巖疆皆禮樂農官歲舉直教野老亦冠裳時雍風動戶誦途歌生民以來未有如今日之盛者也於是

一人端拱萬國咸寧爰命鼎臣纂修一統志徵實天下郡邑適頻陽袁父師蒞任左雲興行教化百廢釐舉簿書之暇正有事乎邑乘但因舊屬衛治邑無成書方厘清慮會憲檄下左徵士索志乃集邑之紳士採訪蒐羅其奈邊隅秉筆乏人父師不以余不肖過相推許余數謝不敏又以為憲令攸關不可無人以職其事勉諭深至既不獲辭夫是以倣體制於他志資采輯於同人凡天文之燦著地里之分畫風俗之轉移官府之建置賦役之重輕政治之休明與夫忠孝之正氣節義之大端以至選舉薦拔人才藝文略次八卷分集兩編一事一物有關治化者無不詳載古蹟古風足善世教者豈敢或

遺無如世遠年湮有名存而實亡者有先因而後革者有古
興而今廢者總由於兵燹之後文獻既無足徵兼之鹵莽之
材見聞又為未廣其間特著特書將以傳信亦有斷文斷簡
寧使闕疑雖千年草昧略觀於寸眸百里山城既登於方幅
第舛錯固多疎虞不少草創初成潤色有待蓬心臚列不免
君子之譏竭智敷陳勉副邑侯之意極知僭踰無所逃罪幸際
清時得逢盛典差堪自慰云是為序

雍正七年歲次己酉孟冬之月上浣邑明經進士李翼聖序

左雲志稿前序

間嘗竊考載籍之流傳蓋不一也有作之者有述之者作者創始於前述者增修於後於志乘又何獨不然有通志郡志邑志類皆紀疆界風土文物之勝以薈萃而成一代之掌故也志之所關不基重歟如我左雲地界邊陲攬其形勝東接飛狐南拱雁門西連兔水北通沙漠蓋關外之要區也前代已無徵矣自有明以來始設為鎮朔衛或為左衛雲川衛又或併為左雲衛雖沿革異宜而疆土如故為大同羽翼伊時官弁兵馬風屯雲集為通貢互市之備者亦綦嚴也然而叛服不常兵戈時起詢之父老咸曰此亦古戰場焉居今者能無憑弔而興感乎迨我

世祖章皇帝定鼎燕京混一區宇聲教所暨罔間朔南至

聖祖仁皇帝初年偃武修文舉弁兵裁汰而更置之仍為衛治及世宗憲皇帝雍正三年改衛為縣隸朔平郡設長吏置師儒以宣布

德化迄於今

上嘉慶八年已歷百六十餘載涵育既久薰陶更深所云久道化成非歟居斯邑者士安於學農安於野工商安於市冠蓋雍雍儼然腹裏是昔為敵愾禦侮之地今且為聲名文物之邦求所謂望敵臺謊糧堆者僅存遺址焉蓋天下之平久矣幸際承平宜光文治使無志乘不且上辜

聖明而下掩風聲乎我前輩李君翼聖著有左雲志稿披閱之下
網領備具固無以議為也而節目之間未稱精詳又慮日久
殘缺因不揣固陋而增修之雖無耆碩可諮幸有遺編可續
是以旁搜遠引分門別類如星野如方輿如建置如職官如
賦役如武備如選舉如名宦如人物如藝文分為十款又各
以其類附註焉皆本之邑乘採之郡志復叅之以遠考近徵
不敢少恃已見貽無知妄作之咎亦聊述前人之遺意以備
茲邑之掌故耳余忝後學自念生平毫無寸補早歲即欲綴
緝奈百憂感心萬事勞形有志焉而未逮也今老矣無所事
事矣不惜剝目忧心依類編次越六月而稿如就草敢問世
乎姑藏笥篋以俟同志君子就正而潤色焉斯得之矣因贅
數言弁之簡端序云乎哉

嘉慶八年歲次癸亥六月上浣邑舉人懋勲侯凱未定草

左雲志稿後序

余家世非儒者以先人由武宦厯茲地遂籍焉延及余賦質樸魯不克振勵賴先祖父自幼栽培忝列膠庠入學後即事戲游難稱肖子後為邑侯張李二公極意作養遂矢志讀書頗求上進奈家道中落舉箸者實繁因而謀食情迫即棄舉子業而業賈焉當時知我者即罪我不知我者且嗤我姑付之不言而自罪之幸家有藏書此念不墮冗務之暇時一披讀厯年三十餘歲始食廩餼得以明經鄉貢終其身亦幸矣迄今市井風塵猶僕僕未能遽謝也老來愁悶無計可消舉家之經史典籍而時攤之敢云博覽之資乎聊為破愁之助耳而念及邑乘此心又不無缺畧之感焉爰搜取通志及郡志熟玩細究思欲輯之以為左邑光而才識學三者又抱歉焉惟勉力倣其規制法其體裁舉綱領條目節次編輯上以敷

國家文治之盛下以慰生平遲暮之悲猶不惜昏瞶乎自繕寫以成茲編知我罪我亦姑聽之後之覽者不過曰此亦妄人焉已矣

嘉慶癸亥年暑月侯懋勲重序

題左雲志稿序

余自韶年身列士林即與懋翁先生同窗習舉子業每課文賦詩輒為諸名公所許可數載切磨良有益也及余久困省闈遂遊學成均先生亦以家計艱窘混跡市廛雖天隔一方繾綣繫之矣余後幸擢京科先生亦名列南宮旋里後不時過從每有疑難諸蒙教益吐談所及有出人意表者愧余為微名所牽南北奔馳迄無寧宇不常聚首心甚歉然迨署篆安邑而歸促談之際出所修邑志示余政焉披閱未暨不禁喟然曰先生殆老益壯而學益進哉余雖寡陋嘗聞修志更難於修史史記則錯綜成書志乘則考徵難確不有三長豈優四難况左雲地處極邊舊屬衛治既無文獻何以足徵所猶異者以倥偬冗迫之身為兼綜條貫之事斯不又難乎其難之耶茲取新舊兩稿相叅見其於脫略未完者增而補之牽纏不經者刪而去之節目分明字句蒼老於此而知其才之美學之博識之精也依類厯閱逐款詳究雖不敢謂純備無疵亦可云略見一斑矣余不敏又未嘗為序特以幼相習長相知今且老而相憐也又豈敢自外以相負乎因勉贅數言亦姑俟諸有特識者謹序

嘉慶八年歲次癸亥七月邑壬子舉人硯愚弟馬登雲拜題

增修左雲志稿跋

邑令余卜頤

今上御極之三年晉省歲遭大祲適值

爵撫部院曾公恭膺

簡命來撫是邦以旋乾轉坤之手拯水深火熱之災下車後即露章呈

奏疏逋賦發倉廩留漕糧開捐輸請

國帑設轉運梯航接於數省賑濟遍於晉疆幾以天下全力為晉民紓其難而救其災越一載浩劫初消瘡病難起又復查荒地免錢糧散籽種給牛具以為遂生利用之本而又殷殷

然於久安長治之計於是買儲穀備緩急也旌節孝維風化也清訟獄平怨咨也嚴保甲弭盜賊也修通志垂文獻也凡所以視民如傷而嘉惠晉疆者左之民固同在生成之內也是時頤以迂拙之才庖代在邑一切承令宣德日在

鈞陶鼓鑄之中凡二年於茲矣顧以左雲乃邊衝用武之地自改衛為縣以來歷年二百餘歲詢之土人昔非文獻之邦因無志乘之紀心甚闕焉已卯秋蒙

爵憲以續修通志札飭下縣諭令蒐輯邑乘新稿繕本以呈備採擇焉爰訪諸僚屬紳士以及書吏僉云舊無專志惟附載於府志者其略也又復旁搜博訪於邑中之紳耆及鄉曲之

年之成案如武備兵制之增損則索諸現存之營冊如選舉科名則查諸學牘如忠義節孝則採諸鄉評他如建置則考其沿革之由來而溯其世代官政則辨其今昔之異制而錄以姓名若夫藝文上自

三朝寶訓大吏奏疏以及文告札諭稟詳無不具焉其題詠碑記凡有關於左邑之事實而堪垂為文獻光者均必考其成案輯其遺編而備錄之非敢師心自用也亦惟事事求實遺者補而謬者更以期仰副

爵撫部院周諮博訪垂文著典之至意至於體例之分編輯之次採訪之博考訂之殷則皆邑紳蘭趙諸君之力也但以讀

父老無不遍詢凡數月始於常生培謨家得侯凱先生志稿三本乃嘉慶八年增輯者也翻譯再四始悉侯君之稿乃因李君翼聖之稿而增訂者也當李君訂稿之初在雍正初年即劉太守新輯府志之日然後知府志之附載者即李君之初稿也既得是稿爰延請邑中文行交修之儒得蘭君炳章趙君弼祁君峻德尹君紹業若而人設局於縣署詳加披訂細為編摩自嘉慶以迄於今又遙遙八十餘載世代湮遙沿革亦異况災祲後更張尤多若不一一詳加釐訂則昔是今非情形迥別焉能信而有徵乎是以此次增修如天文則參之府志如疆域則考諸輿圖如賦役驛站之裁改則考諸近

書帖碑之才創為條綜理貫之事亦甚難矣其中條理不無
紕繆文義間有差訛是則俟

爵撫部院暨

列憲大人訓誨而裁成之以免不純不備之憾焉則所以栽培
左民者誠不朽之恩澤也頤庖代日久行及瓜期他日付之
棗梨不能不有待於來者

原輯志稿姓氏自雍正三年起至嘉慶八年止

采輯

左

雲

縣

知

縣袁大選

總纂

左

邑

歲

貢

生李翼聖

編次

左

雲

縣

舉

人侯凱

較正

邑

學

增

廣

生鄭中選

叅訂

邑

學

增

廣

生鄭壻

邑

附

學

生

員趙化醅

邑

附

學

生

員劉立

邑

附

學

生

員李興洙

邑

附

學

生

員張新德

邑

附

學

生

員侯三

邑

附

學

生

員侯錫三

增輯志稿姓氏

總理采輯

署

左

雲

縣

知

縣余卜頤

叅閱

署

理

儒

學

訓

導王丕承

現

任

左

雲

典

史姚粵布

總纂

左

雲

縣

恩

貢

生藺炳章

分纂

左

雲

縣

廩

膳

生祁峻德

左

雲

縣

廩

膳

生趙弼

編次

左

雲

縣

廩

貢

生尹紹業

較對

左

雲

縣

學

佾

生藺增芳

叅訂

府

學

廩

貢

生

員張致和

左

雲

縣

廩

膳

生周大士

府

學

增

廣

生

員常培謨

府

學

附

學

生

員馬俊

左雲志稿凡例

邑志總例

志之義有從乎繁者有從乎簡者故通志與郡志不同郡志與邑志亦異通志則美不勝收郡志則兼收並蓄至邑志而採輯為更難也修邑志者僅以一方之事實成一代之掌故欲繼長增高而苦於文獻無徵如因陋就簡亦滅裂而無所取義必極之旁搜遠取使繁簡適宜庶覽者無蕭索之感也則幸矣

邑志增例

志之例有因從前之罣漏而為之補遺者有嫌曩時之錯誤而為之糾繆者左邑舊無志書自雍正三年朔平府劉公祖修郡志並將屬邑附於其中斯時採輯者為邑前輩李翼聖先生始有創稿此即左雲志稿之權輿也迨嘉慶八年邑人孝廉侯凱就原稿重為修輯其中人物諸例遺者實多賦役一門謬者更甚蓋因陋就簡乃私家之紀述並未考於檔冊比左雲所以無志也茲承
爵撫部院指示章程如賦役則以縣卷為徵武備則以營冊為考科名選舉則以學案為據而忠孝節義之有需採擇者則訪諸鄉評溯其事實遺者盡補謬者悉糾以一方之事實集為一邑之成書使閱者信而有徵庶幾不同浪墨

綱目例

首圖考圖先於籍倣古制也觀乎天文而星象次之察乎地理而方輿又次之建置者制作之原官政者臨民之要人物者芳徽之所存選舉者人才之所起若夫以重民事則賦役詳也以奉簡書則郵政重也以壯國威則武備著也以存典籍則藝文備也凡為綱者十條類為目者七十有五而各以其目之條附於其綱之內綱舉目張有條所以不紊也

天文例

天道微而難測人事顯而可徵自昔善言天者必驗於人事而後見上天之垂象其形為至著其理誠不誣也然必有精

通其義者乃能確然於主名而不亂昭然於分野而不淆歷然於度數而不移井然於躔次而不失易曰觀乎天文以察時變故必以天文為之綱而附以星野占候者備觀秦也次以節氣節令者順時行也次以詳異終以風俗者著鑒戒使從宜也各從其類而有條不紊庶無乖於縣志之體制耳

地理例

粵自黃帝畫野而都邑以分大禹治水而山川以奠雖古今之稱謂攸殊而宇宙之江山不改故志沿革以溯今昔之異同正疆域以表幅員之遼濶紀山川以形帶礪之雄壯至於古蹟景致可以潤色乎地圖鄉村土產可以廣資夫地利凡

一邑之所有必備載而弗遺

建置例

疆域既分建置斯舉建置者創制之別名也守備在乎城池衛護在乎邊堡教化本於學校作育資諸典籍釋菜則祭器宜先儲材則士額宜廣學田所以養士公署所以臨民壇廟者崇德報功之典坊表者興賢舉孝之規而樓閣以培風水橋梁以通往來市集以招商賈墓塚以表忠烈皆在建置之例得以類附之

官政例

古者因事設官量能從政向無文武之分故入則周公召公以師保而兼公侯出則方叔申伯由卿士而為將帥自科目設而文武遂判兩途焉左雲職官前代無考爰以雍正三年前為原設雍正三年後為改設其官斯土者昔為鎮道衛守令為令尉師儒各從其制存古籍也官無大小皆得書名備考稽也而又列政績以誌遺愛不忘勞也載祀典以昭誠敬重大典也若夫政事之條分縷析備載於後是儆于有位無曠厥言之義也

人物例

人物之挺生卓立者實繁有徒豈能遍觀而盡誌之要其大概不出名宦鄉賢兩途而兩途之表見於忠烈孝義者代不

乏人在當年固赫赫照人耳目至今日猶懍懍敬若神明蓋忠烈根諸天性孝義貫乎倫常非特鬚眉男子生逢其時適當其事不可僥倖而苟免長懦以圖存即婦人女子守孀幃矢柏節奉侍翁姑以婦道而兼子職訓教兒女以慈母而代嚴君尤屬人事之難可作閨門之範允宜採錄以勵貞操也
選舉例

自古選賢舉能以備國家之用三代而下其風渺矣漢興選舉之典盛行對策賢良得人稱盛唐宋元明亦間有之然而地界邊陲人多質樸文章所著惻惻無華故甲科恒寥寥也逮至我

朝文教覃敷武科並列掄材取士未嘗以資格棄人故科目一途千古罕匹即吏監僑徙不無芳徽可念而藝術之士封贈之典俱為選舉之所當連類而及者因並紀之而罔敢或遺焉耳

賦役例

賦役之制夏曰貢殷曰助周曰徹三代以來固可考而知也然在內地土田肥美賦役有上中下之則其制一定而不容移易矣左雲地處極邊穀粟收穫甚薄人民遷徙不常其地皆由邊堡歸併有屯田牛犂贍軍汰軍賞功諸名色故以田賦丁糧戶口列於前而其中有起運存留之分別俸役祭費

之支消田租以厚軍兵查荒以恤黎庶稅務雖云無幾亦必按次而編庶觀覽者得瞭然焉

郵政例

讀皇華之什而知行役之勞賦楊柳之詩而見簡書之重此郵政亦守土之要典也况左邑古號戰場烽燧接於四境地臨邊塞驛傳達於數省手故量地置郵則驛站分馬牧圉有額則馬匹載馬執事有人則夫役備焉歲修有項則工科計焉然後終之以馬乾公費以綜其度支之數則既廩稱事之中亦寓日省月試之義也

武備例

從來敷治必以文而戡亂則以武自古明良際會所以致治保邦以期有備而無患者惟武備為重焉左邑夙號巖疆歷代頻多昂戰我

國家承平日久有百年不用之武而無一日不備之兵故武備首在於兵制戰守有伍馬步有行兵制之紀律也而衝鋒敵愾非軍器無以當先士飽馬騰非俸餉無以勵衆至於簡車蒐乘馬匹是資設險守隘汛防以判而歷來之授任武弁者官無大小皆有保障之勞焉例得紀之以附於後

藝文例

文以載道尚書首二典故藝文以

諭旨冠首者尊王之義也次以奏疏者猶之乎三謨也次以札付者猶之乎訓告也次申詳以達下情次文告以垂令典至若碑記所以誌功箴銘所以規過與夫題情詠景里巷之歌謠無非風俗之流露也因備載之而為政之體要與民俗之觀感皆寓乎其中焉